



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,

manè discutienda in Scholis, Medicorum, die Sabbati, vigesimo-
septimo Martii, Anno Domini M. DCC. XLV.

M. JOANNEDAMIANO CHEVALIER,

Confiliario Medico Regis ordinario in Insulâ Sancti

Dominici, Doctore Medico, Præsides.

An Vini potus Salubris?

I.



D conservandam sanitatem multa concurrant necessum est; ad ever-
tendam quàm pauca sufficiunt! Unius ex rebus non naturalibus abusu
athletica quandòque ruit valetudo. Plerique tamen homines lethum
sibi maturant, in eligendo vivendi genere, sibi duces cæci. In causâ
est præjudicata opinio multorum animis insculpta: Vitam opinantur
miseram quæ medicinæ præceptis subiaceat. Quàm turpiter errant!
Medicinæ pars est definire quos juvet nullis obligari legibus; nullum cibi aut potulentii

A

Cels. lib. 1.
cap. 1.

genus fugere, laborare, quiescere, ruri aut in urbe esse, vigilare, &c. Artis est & eos dignoscere quos valetudo causaria severioribus addicit legibus. Has si quis contemplerit, imprudentiæ suæ poenas luet: peribit partium vigor: hærebit visceribus labes vix aut nunquam eluenda: corruet sanitas suis malefulta adminiculis. Non aliunde plus est insidiarum vitæ, quàm ex cibo & potu. Igitur suæ valetudinis cupidus inquirat præcipuè quo alimento pasci, quem laticem potare debeat, ità enim diætæ temperanda ut dissolvendis alimentis, roborandis fibris, tuendæ diaphoresi, ciendis urinis, cæterisque secretionibus ad naturæ-votum dirigendis; nec non (quod sanitatis condimentum est,) mentis hilaritati consulatur.

II.

NUTRITIONE & secretionibus valemus & ægrotamus. Nutritio est succi alibilis texturæ partium applicatio. Succu tenuati ablegatio in variæ diametri tubulos secretio est. Nutricatûs & secretionum materiam alimenta subministrant, hæc talia sint quæ facile subigantur, & quæ tritûs adjuventur instrumenta; sic edulia liquefcent in chymum laudabilem, ex hoc exurget eximiæ notæ chylus. Ex chylo sanguis, ex sanguinis *Eucrasia* ejusdem circuitio facilis; ab expedito sanguinis circuitu nutritio atque secretionum series. Ad singula corporis puncta sanguinei laticis appulsu, partes irrorantur, crescunt, resarciuntur, firmantur. Dùm sanguinea massa per exilissimorum tubulorum anfractus innumeros urgetur, hic serum, illic lympham, ibi bilem, alibi semen prolificum deponit. aut in hæc per multifariam elaborationem, mutatis molecularum superficiebus, abit. Assumptorum pars itaque solidescit; pars inutile pondus excernitur; pars pluribus functis muniis, redit ad cor iterum elaboranda. Hæc dùm naturali tenore & ordine peraguntur, stat sanitas, vigetque: verùm labefactatur facili si quid solidarum partium robur & elaterium evehat nimis, deprimat aut invertat, inde liquidorum crasis pervertatur. Ut istud periculi minantur aër male temperatus, labor improbus aut segnities, somnus longior vel brevior, excernendorum retinendorumve copia ut supra sic infra naturæ modum, abnormes motus animi, cibus uberius vel parcius; ità noxam non minorem inferre potest functionum integritati potûs quantitas vel qualitas malè definita.

III.

POTUS ac cibi eadem fere necessitate urgetur hominum genus. Variæ regiones varia potionum genera parant suis accolis. Hæc fecit cupido vini, vel dulcis aquæ penuria. Ex vini æmulis liquoribus alii aliis salubriores; nulli æquiparandi vino, nec ipsummet vinum aquæ eximiæ componendum. Non ideo tamen illa omnibus Lyæi dona. Hæc fugiant Arthriticis vel Rheumaticis cruciatibus, morbis inflammatoriis, & Hæmoptoë obnoxii: hæc vident quorum præcordia æstuant, & qui Asthmate sicco tentantur: his valedicant quibus caput dolet assiduè (a) non jejunis (b), & quos tussis sicca molestat, & quos fugit somnus facilis. Qui verò firmâ gaudent valetudine, qui multo labore corpus exercent, qui parcius mingunt, (c) quæ inest uberius pituita, aut deest Diaphoreseos copia naturalis, hi habitâ ratione temperamenti & temperatum, lætisco misceant Baccho pocula. Pueri dilutius, juvenes dilutum, senes meracius bibant (d). Quantitas ex siti definienda, Autumno & hyeme minor sed

(a) *Hipp. de affect.*

(b) *Cels. I. c. viij.*

(c) *Hipp. pocr. de diarr.*

(d) *Cels. cap. iij.*

meracior, vere diluta, æstate dilutissima fit potio (e). In vino salubritatem cum voluptate conjunctam quæris? Eligas odore fragrans, tenue, rubens pellucidum, leniter pungens, quale est * *Abalonenſe*. Hôc nullum suavius, salubrius nullum proſert Burgundia: vires recreat, & inſtaurat, alimenta folvit; ſecretiones omnes ſollicitat, exhilarat mentem, roborat facultates omnes. * Vin d'Abalon.

I. V.

NON diluendis cibis tantum potio neceſſaria, ſed & adjuvando ventriculo; cujus eſt alimenta in pulſtem fluidam convertere. Obſtat huic operi duplex præſertim viſceris hujus vitium: Innata videlicet fibrarum Elafiicitas, aucta, vel imminuta. Caliditatem & frigiditatem dixere veteres: Emendari vitium prius aqua poſtulat. Calidis enim naturis aqua potus (a), & quia calor concoctionem prohibet, aqua frigida ſtomacho prodeſt (b). Stomacho autem laborantibus ob fibrarum inertiam, (en frigiditatis vitium) non aqua ſed vinum bibendum eſt (c) Prodeſt enim adverſus tardam concoctionem vinum bibere (d) Unde vino hæc energia? accipe. Vina acida, inquit Coüs, frigefaciunt, & attenuant, & humectant; frigefaciunt & attenuant humiditatis evacuationem à corpore facientia (c) Humectant autem per aquam unã cum vino ingredientem. *Abalonenſe* vinum aqua multã temperaſti? Habes & jucundum & ſalutiſerum quod deſcripſit medicinz princeps. per aquam unã cum vino ingredientem, & quam multam ſulcipit, cibos attenuat, diſſolvit, diluit. Modico ſale & ſulphure quibus conſtat mixta potio ſuaviter acida, æſophagi & ventriculi fibras blandè vellicando ſalivam & liquorem gaſtricum elicit; robur addit ventriculis pigrioribus quo vegetiùs oſcillent, ingeſta terant impenſiùs. Hinc lacteus emergit cremor lactea facile ſubiturus vaſa. Chyloſi perficiendæ feliciter adlaboraſſe, univerſis functionibus conſuluiſſe eſt. Quò magis enim alimentorum partes tritura diſſociata, tenuata, & evoluta fuerint, eò facilius arteriarum repercuſſionibus miſſis repetitis cedent. Ecce jam ſuccos ſecerni habiles in hepate, in renibus, aliſque incerniculis; vel in ſpiritus nervorum abire, aut tenues in auras vanefcere per inconſpicua cutis ſpiracula. Nec vini putes virtutem in ſtomacho ſepultam & extinctam. Frigefacit vinum, humiditatis evacuationem faciens. Actuoſæ nimirum & ſummè mobiles ipſius molecule ſalino-ſulphureæ ſanguineam molem, cui admiſcuntur, diverberant, incidunt, dividunt, eliquant. Vaſorum parietes punguntur interea, & ad crebriores fortioreſque oſcillationes exſtimulantur. Hujusmodi auxiliis & incitamentis fit liquorum circuitus celerior, cuique incerniculo, excretoriove frequentior fit ſanguinis appuſſus, proindeque uberior ſecretio. Sanitatis cauſam agnoſcis: functionum omnium tenes originem; nulla enim eſt quæ ad ſecretiones non referatur.

V.

AT nullius non mali ſeminarium Bacchus eſt; viſcera torquet, adurit, appetentiam tollit. Itã eſt equidem, ſi, reluſcante temperamento, voluptati potiùs quàm neceſſitati tribuatur. Quibus verò feſſa labore corpora reſcitere, torpentem ſtomachum excitare; tardiori naturæ calcar addere, varias per artes ingenia ducere eſt animus, ii fidenter aſſurgant Baccho: haud fallent ipſius munera. Hæc ſubito per artus diſſuſa ſubito vires recreant; ventriculi ſpiras languentes exſuſcitant, firmant,

exercent : Laboranti naturæ ferunt opem, dùm succos inertes excutiant per alvum,

(a) *Hipp. de diarr.*, l. 2. vesicam, & cutis poros eliminant, *vinum enim habet quid catharticum* (a), mentis aciem acuunt, addocent artes, dùm sanguinem fluidiorem efficiunt, spiritus animales generant, increpant morantes, stagnantes agunt. Instabis aquam omni animantum generi datam in potum. Quis hîscere contrâ? Infantibus robustisque corpore & animo primis parentibus aqua, ut in deliciis erat, ita placandæ siti idonea, atque sufficiens:

(b) *Judicium* At heu! non modò mors ultrix puniet ausus parentum, sed illi scelere debilitati, nefasto gignent die ut nequiores, sic debiliores, mox daturos progeniem vitiosiore atque

(c) *Horat. l. 1, Ep. 5. ad Turquantum.* imbecilliore. Hinc angustius vitæ spatium; hinc mortalibus cohors morborum incubuit. Verùm geperis sui sortem iniquam miseratus hominum Sator corpori medolam indulsit, quâ molliret etiam ægritudines animi. Vinum intelligis quod *latificat Deum & homines* (b), quod sollicitis animis onus eximit, (c) tristitiam, vitæ

(d) *Horat. l. 4. Od. 12. ad Virgilium.* que labores levat. Quem igitur curæ ambiguae, aut spes incerta futuri, sollicitum habent, ne deficiat animo; en adest lætitiæ Bacchus dator, spes donare novas largus, amaraque curarum eluere efficax (d); Tu sapiens fumus jocosi Liberi dona; tùm venient risus; tùm dolor, rugaque frontis abibit (e)

(e) *Ovid. Art. Amat. l. 1.*

Ergò Vini potus salubris.

Proponebat Parisiis, DIONYSIUS-CLAUDIUS DOULCET, Parisinus;
Saluberrimæ Facultatis Parisiensis Baccalaureus Medicus,
A. R. S. H. 1745, à sextâ ad meridiem.